



# Cumün d'Ardez

Sezzüda da la suprastanza nr. 26/08 dals 4-11-2008

**Preschaints:** la suprastanza cumünala e la chanzlista

**S-chüsats:**

**Tractandas:**

1.	Taxa da cura "all inclusive" (tuot inclus)	490
2.	Rumir naiv	491
3.	Piket lavuraints	492
4.	Büschmainta e material per la prevenziun d'accidaints	493
5.	Quartier Curtinatsch	494
6.	Orientaziuns e varia	

## Turisseem

**36.11**

### 1. Taxa da cura "all inclusive" (tuot inclus) 490

La ESTAG ha infuormà cha las pernottaziuns illa regiun van inavò. l'ls ultims 6 ons sun idas a perder 90'000 pernottaziuns. La ESTAG ha lura lantschà il projet "Engadin Scuol-Inklusiv". Il böt da quist projet es da spordscher al giast da viagià illa regiun culla Viafier retica da Scuol-Zernez e cul auto da posta in Engiadina Bassa e Val Müstair gratuit. Implü dess il giast pudair ir tras quista sporta culla Pendiculara Motta Naluns e culla s-chabellera Ftan gratuit, üna reducziun daja pro l'entrada i'l Bogn Engiadina ed otras atracziuns in Engiadina Bassa. Quista sporta tuot inclus es previsa be d'ürant la stagiun da stà, dals 1. mai fin ils 30 november. Il böt da quista sporta es da ragiundscher daplü pernottaziuns, daplü schmerdsch e plü lungas d'üradas da sogiuorn. Per la finanziaziun da quist projet daja plüssas pussibilitats, culla sporta tuot inclus cuosta la pernottaziun fr. 6.-- implü. Previs da finanzia la sporta tuot inclus füss cun ün augmàint da las taxas. La dumonda es, schi's vuol inchargiar tuot quel import al giast o schi's vuol inchargiar eir alch al fittader o perfin finanzia üna part cun üna taxa da promoziun. La suprastanza discuta sur da la finanziaziun da quista sporta. Al mumaint paja il giast üna taxa da cura da fr. 1.40 per not e persuna. La suprastanza es da l'avis da propuner a la radunanza il müdamaint da l'artichel 11 da la ledscha da taxas da cura, la taxa per la stagiun da stà dess gnir augmantada a fr. 6.40 per not e persuna (fr. 1.40 taxa existenta + fr. 5.-- contribuziun tuot inclus), implü dess pajar il fittader fr. 1.00 per la contribuziun tuot inclus.

Decisiun: La suprastanza cumünala decida da propuner a la radunanza da far il seguaint müdamaint dal art. 11 da la ledscha da taxa da cura. La taxa da cura per la stagiun da stà (1. mai – 30 november) vain augmantada pel giast a fr. 6.40 (fr. 1.40 taxa existenta + fr. 5.-- contribuziun tuot inclus) per not e persuna, implü paja il fittader fr. 1.00 per la contribuziun tuot inclus per not e persuna.

## VIAS

**33.**

### 2. Rumir naiv 491

Ill'ultima sezzüda d'eira gnü orientà sur dal plan pella rumida da naiv. Il schef da vias orientescha ch'el haja discus la situaziun cul manader tecnic. Els sun da l'avis da far

üna publicaziun i'l Mas-chalch in quel regard. La suprastanza discuta la chosa ed es da l'avis cha vias e plazzas privatas possan gnir rumidas, però pür in terza prioritä e be cunter pajamaint. Per rumir vias cumünalas vala il plan d'avertüra general (art. 18 ledscha da fabrica) chi definischa las vias chi sun cumünalas. I vain fat la proposta da manar davent la naiv e na be da stumplar our d'via, quai ha però consequenzas finanzialas. Il schef da vias discuta amo la fatschenda cul manader tecnic e fa üna proposta in fuorma d'ün reglamaint chi vain publichà.

## PERSUNAL DA CUMÜN

17.

### 3. **Piket lavuraints**

492

Il schef da vias orientescha cha'ls lavuraints chi faivan piket nu gnivan fin uossa indemnisats per quel temp ch'els staivan sün piket. La ledscha da persunal chantunala prescrive quai però. Il schef da vias fa la proposta d'indemnisar ils lavuraints chi fan piket cun fr. 300.-- l'inviern e fr. 200.-- la stà. Quai füssan cuosts da var fr. 1'200.-- l'on.

Decisiun: La suprastanza cumünala decida d'indemnisar ils lavuraints chi stan sün piket cun fr. 300.-- l'inviern e fr. 200.-- la stà.

### 4. **Büschmainta e material per la prevenziun d'accidaints**

493

Il schef da vias orientescha cha fin uossa gniva pajà minch'on fr. 300.-- al lavuraint per büschmainta e material da lavur. Il schef da vias fa la proposta da pajar il material e la büschmainta tenor cuvegna chi vain applichada i'l contrat da lavur e chi vain eir prescritta da la sgüranza d'accidaint.

Decisiun: la suprastanza cumünala decida da pajar il material e la büschmainta da lavur tenor cuvegna e prescripziuns da la sgüranza d'accidaint.

## PLANISAZIUN

04.

### 5. **Quartier Curtinatsch**

494

Il capo orientescha sur da l'inscunter dals 20-10-2008 a Curtinatsch a regard müdamaints in connex cun l'ordinaziun executiva pel quartier Curtinatsch, parcella 3362. A man da las discussiuns sül lö han il capo ed il schef infrastruttura preschantà la proposta a la suprastanza da schoglier las surfatschas cun punctins (chomp masdà access public – plazzas privatas) illas surfatschas albas dal plan 6-07.005-31, suot la premissa chi nun aintran ingünas protestas. Il capo orientescha cha quista decisiun füss uossa amo d'applicar i'l protocol. La suprastanza ha approvà la proposta sün via da circulaziun.

Decisiun: La suprastanza decida, suot la premissa chi nun aintran ingüns protests, da schoglier las surfatschas cun punctins (chomp masdà access public – plazzas privatas) illas surfatschas albas dal plan manzunà.

### 6. **Orientaziuns e varia**

Il capo orientescha ch'el haja dat ün sguard a la coordinaziun da las avertüras dals restaurants e'l caffè. El ha constatà cha la coordinaziun funcziuna bain.

#### 6.1 **Tschüffacullas da la piazza da tir Plattafessa**

Il schef sgürezza publica orientescha cha avant 5 ons d'eira gnü ün geolog da l'uffizi per la natüra e l'ambaint a controllar il tschüffacullas da la piazza da tir Plattafessa. Uossa ha'l tramiss ils resultats da quista controlla. El ha stimà ch'üna sanaziun da

quist tschüffacullas cuostess var fr. 37'000, il cumün d'Ardez vess da surtour var fr. 10'000.--. Il schef sgürezza publica orientescha ch'el haja contactà a sar Aebli da l'uffizi per la natüra e l'ambiant e discus la situaziun. Quel ha racumandà da laschar eruir ad ün geolog quant inchargià dal plom cha'l tschüffacullas es. Tenor quellas masüraziuns e cun far üna saiv in quel cuntegn as poja lura forsa evitar cha'l tschüffacullas sto gnir sanà.

## **6.2 Masüraziuns da sveltezza**

Il capo orientescha ch'el haja surgni ils resultats da las masüraziuns da sveltezza. Las masüraziuns sun gnüdas fattas in seguaints lös: Via da la Staziun, Ramogn-Bröl, e pro l'hotel Alvetern. Pro l'hotel Alvetern sun its in media 40% dals mobilists sur 30 km/h, sülla Via da la staziun 14% sur 30 km/h. A Ramogn-Bröl sun its 12% dals mobilists sur 30 km/h. La suprastanza decida da laschar far controllas da sveltezza.

19-11.-08

In buna fai

La chanzlista:

Il capo: